

Y Pwyllgor Plant, Pobl Ifanc ac Addysg

Children, Young People and Education Committee

Gweinidog y Gymraeg ac Addysg
Jeremy Miles AS

Senedd Cymru
Bae Caerdydd, Caerdydd, CF99 1SN
SeneddPlant@senedd.cymru
senedd.cymru/SeneddPlant
0300 200 6565

Welsh Parliament
Cardiff Bay, Cardiff, CF99 1SN
SeneddChildren@senedd.wales
senedd.wales/SeneddChildren
0300 200 6565

22 Ebrill 2022

Plant y Lluoedd Arfog

Annwyl Jeremy,

Yn ystod trafodaeth am flaenraglen waith y Pwyllgor Plant, Pobl Ifanc ac Addysg yn ystod ein cyfarfod ar 31 Mawrth 2022, trafododd yr Aelodau lesiant a chanlyniadau addysgol plant y Lluoedd Arfog.

Byddai'n dda gennym gael gwybodaeth gennych am y pwyntiau a ganlyn:

- i. Y wybodaeth ddiweddaraf am gynnydd Llywodraeth Cymru o ran galluogi casglu data am blant y Lluoedd Arfog mewn ysgolion drwy'r Cyfrifiad Ysgolion Blynyddol ar Lefel Disgyblion, yn unol â'r Ymrwymiad a wnaed gan Lywodraeth flaenorol Cymru yn 2019.
- ii. Ymgysylltiad Llywodraeth Cymru â Chronfa Cyfamod y Lluoedd Arfog, gan gynnwys i ba raddau y mae Llywodraeth Cymru yn ymwneud â datblygu'r prosiectau sydd i'w hariannu, a sut y mae Llywodraeth Cymru yn sicrhau bod teuluoedd aelodau o'r Lluoedd Arfog yng Nghymru yn cael cyfran deg o gyllid y DU gyfan.
- iii. Y data diweddaraf, wedi'u dadansoddi yn ôl awdurdod lleol, ar:
 - nifer yr ysgolion lle y mae disgyblion sy'n blant i aelodau o'r Lluoedd Arfog, a nifer y plant i aelodau o'r Lluoedd Arfog sy'n mynd i'r ysgolion hynny;
 - cyfraddau absenoldeb ar gyfer plant y Lluoedd Arfog (a'r holl ddisgyblion er mwyn cymharu);
 - cyfran y plant i aelodau o'r Lluoedd Arfog sydd â hawl i gael Prydau Ysgol am Ddim (a'r holl ddisgyblion er mwyn cymharu);

- cyfran y plant i aelodau o'r Lluoedd Arfog sydd ag anghenion dysgu ychwanegol (a'r holl ddisgyblion er mwyn cymharu);
 - cyrhaeddiad cyfartalog plant y Lluoedd Arfog mewn arholiadau TGAU, wedi'i fesur yn ôl canran y rhai sy'n cyflawni gradd A*-C neu ba bynnag fesur sy'n addas (a'r holl ddisgyblion er mwyn cymharu).
- iv. Eich barn ar effeithiolrwydd y prosiect Swyddogion Cyswllt Ysgolion Rhanbarthol ar gyfer plant y Lluoedd Arfog ers ei sefydlu ym mis Medi 2020, safbwynt presennol Llywodraeth Cymru ar ddyfodol Swyddogion Cyswllt Ysgolion Rhanbarthol ar gyfer plant y Lluoedd Arfog ar ôl mis Medi 2022, a'ch barn ar effeithiolrwydd prosiect Cynorthwyo Plant Milwyr yn Ysgolion Cymru (SSCE) yn fwy cyffredinol.
- v. A roddwyd unrhyw ystyriaeth i ymestyn cymhwysedd ar gyfer y Grant Datblygu Disgyblion i blant y Lluoedd Arfog, fel sy'n wir am y Premiwm Disgyblion yn Lloegr?

Byddwn yn ddiolchgar pe gallech anfon y wybodaeth hon ataf erbyn dydd Gwener 27 Mai 2022 fan bellaf.

Yn gywir,



Jayne Bryant AS

Cadeirydd y Pwyllgor Plant, Pobl Ifanc ac Addysg

Croesewir gohebiaeth yn Gymraeg neu Saesneg.

We welcome correspondence in Welsh or English.

